



五言古詩卷之六

唐詩品彙六

新寧高棟編

正宗四

李白下

尋遇七首

尋山僧不遇作金陵

石徑入丹壑松門閉青苔閑塔有鳥跡禪室無人開
窺窓見白拂挂壁生塵埃使我空嘆息欲去仍徘徊
香雲徧山起卷雨從天來已有空樂好况聞青猿哀
了然絕世事此地方悠哉

下終南山過斛斯山人宿置酒

暮從碧山下山月隨人歸却顧所來徑蒼蒼橫翠微
相携及田家童稚開荆扉綠竹入幽徑青蘿拂行衣
歡言得所憩美酒聊共揮長歌吹松風曲盡河星稀
我醉君復樂陶然共忘機

過汪氏別業

遊山誰可遊子明與浮丘疊嶺礙河漢連峰橫斗牛
汪生面北阜池館清且幽我來感意氣搥魚列瓊羞
掃石待歸月開池漲寒流酒酣益爽氣為樂不知秋

晉志宣城郡隆陽縣乃仙人陵陽寶子明所居也

安州般若寺水閣納涼喜遇薛員外

翛然金園賞遠近含晴光樓臺成海氣草木皆天香
忽逢青雲士共解丹霞裳水退池上熱風生松下涼
吞討破萬象褰窺臨衆芳而我遺有漏與君用無方
心垢都已滅永言題禪房

尋高鳳石門山中元丹丘

尋幽無前期乘興不覺遠蒼厓渺難涉白日忽欲晚
未窮三四山已歷千萬轉寂寂聞猿愁行行見雲收
高松來好月空谷宜清秋溪深古雪在石斷寒泉流
峰巒秀中天登眺不可盡丹丘遙相呼顧我忽而哂

遂造窮谷間始知靜者閑留歡達永夜清曉方言還

金陵江上遇蓬池隱者

心愛名山遊身隨名山遠羅浮麻姑臺此去或未返
遇君蓬池隱就我石上飯空言不成歡強咲惜日晚
綠水向鴈門黃雲蔽龍山歎息兩客鳥徘徊吳越間
共語一執手留連夜將久解我紫綺裘且換金陵酒
酒來咲復歌與酣樂事多水影弄月色清光奈愁何
明晨掛帆席離恨滿滄波

尋魯城北范居士失道

落蒼耳中見范置酒作蒼耳作

鴈度秋色遠日靜無雲時客心不自得浩漫將何之

忽憶范野人閑園養幽姿茫然起逸興但恐行來遲
城壕失往路馬首迷荒陂不惜翠雲裘遂為蒼耳欺
入門且一咲把臂君為誰酒客愛秋蔬山盤薦霜梨
他筵不下筋此席忘朝飢酸棗垂比郭寒瓜蔓東籬
還傾四五酌自詠猛虎詞近作十日歡遠為千載期
風流自簌蕩諠浪偏相宜酣來上馬去却笑高陽池

遊覽二十六首

遊南陽清冷泉

惜彼落日暮愛此寒泉清西輝逐流水蕩漾遊子情
空歌望雲月曲盡長松聲

遊秋浦白苛陂

白苛夜長嘯爽然溪谷寒魚龍動陂水處處生波瀾
天借一明月飛來碧雲端故鄉不可見腸斷正西看

登西平樓

去國登茲樓懷歸傷暮秋天長落日遠水淨寒波流
秦雲起嶺樹胡鴈飛沙洲蒼蒼幾萬里目極令人愁

挂席江上待月有懷

待月月未出望江江自流倏忽城西郭青天懸玉鈞
素華雖可攬清景不同遊耿耿金波裏空瞻鳩鵲樓

漢書注鳩鵲觀在雲陽甘泉宮也

大庭庫

朝登大庭庫雲物何蒼然莫辨陳鄭火空霾鄒魯煙
我來尋梓慎觀化入寥天古木翔和氣私風如五絃

帝圖終冥沒歎息滿山川

杜預左傳注大庭氏古國名在魯城內魯於其庭作庫登高以望氣昭公十八年五月宋衛陳鄭火梓慎登大庭庫望之曰宋衛陳鄭也數日皆來告火

與從姪杭州刺史良遊天竺寺

挂席凌蓬丘觀濤憇樟樓三山動逸興五馬同遨遊
天竺二林在眼松風颯驚秋覽雲測變化弄水窮清幽

疊嶂隔遙海當軒寫歸流轉成傲雲月佳趣滿吳洲

登巴陵開元寺西閣贈衡岳僧方外

衡嶽有闡士五峯秀真骨見君萬里心海水照秋月
大臣南溟去問道皆請謁洒以甘露言清涼潤肌髮
明朝落天鏡香閣凌銀闕登眺飡惠風新卷期啓發
登單父陶少府半月臺

陶公有逸興不與常人俱築臺像半月迴向高城隅
置酒望白雲商飈起寒梧秋山入遠海桑柘羅平蕪
水色淥且明令人思鏡湖終當過江去愛此暫踟蹰

登太白峯

西上太白峯夕陽窮登攀太白與我語為我開天關
願乘冷風去直出浮雲間舉手可近月前行若無山

一別武功去何時復見還

同友人舟行

楚臣傷江楓謝客拾海月懷沙去瀟湘掛席泛溟渤
蹇予訪前跡獨往造窮髮古人不可攀去若浮雲沒
願言弄倒景從此鍊真骨華頂窺絕溟蓬壺望超忽
不知青春度但恠綠芳歇空持釣鰲心從此謝魏闕

遊謝氏山亭

淪老卧江海再歡天地清病閑久寂寞歲物徒芬榮
借君西池遊聊以散我情掃雪松下去捫蘿石道行
謝公池塘上春草颯已生蒼枝拂人來山鳥向我鳴

田家有美酒落日與之傾醉罷弄歸月遙欣稚子迎

憶襄陽舊遊贈馬少府巨

昔為大堤客曾上山公樓開窓碧岫滿拂鏡滄江流
高冠佩雄劍長揖韓荊州此地別夫子今來思舊遊
朱顏君未老白髮我先秋壯志恐蹉跎功名若雲浮
歸心結遠夢落日懸春愁空思羊叔子墮淚峴山頭

金陵鳳凰臺置酒

置酒延落景金陵鳳凰臺長波寫萬古心與雲俱開
借問往昔時鳳凰為誰來鳳凰去已久正當今日回
明君越義軒天老坐三公豪士無所用彈絃醉金罍

東風吹出卷安可不盡杯六帝沒幽草深宮冥綠苔
置酒勿復道歌鍾但相催

九日登巴陵置酒望洞庭水軍時賊逼華容縣

九日天氣清登高無秋雲造化闢川岳了然楚漢分
長風鼓橫波合沓蹙龍文憶昔傳遊豫樓船壯橫汾
今茲討鯨鯢旌旆何繽紛白羽落酒樽洞庭羅三軍
黃卷不掇手戰鼓遙相聞劍舞轉頽陽當時日停曛
酣歌激壯士可以摧妖氛握齧東籬下淵明不足群

秋登巴陵望洞庭

清晨登巴陵周覽無不極明湖映天光徹底見秋色

秋色何蒼然際海俱澄鮮山青滅遠樹水綠無寒烟
來帆出江中去鳥向日邊風清長沙浦山空雲夢田
瞻光惜頽髮閱水悲徂年北渚旣蕩漾東流自潺湲
郢人唱白雪越女歌採蓮聽此更斷腸憑厓淚如泉

與周剛清溪玉鏡潭宴別

潭

潭在秋浦桃胡
陂下余新名此

康樂上官去永嘉遊石門江亭有孤嶼千載跡猶存
我來憇秋浦三入樵陂源千峰照積雪萬壑盡啼猿
興與謝公合文因周子論掃厓去落葉席月開清樽
溪當大樓南溪水正南奔迴作玉鏡潭澄明洗心龜
此中得佳境可以絕囂喧清夜方歸來酣歌出平原
別後經此地為余謝蘭蓀

望廬山瀑布水

西登香爐峰南見瀑布水挂流三百丈噴壑數十里
歛如飛電來隱若白虹起初驚河漢落半洒雲天裏
仰觀勢轉雄壯哉造化功海風吹不斷江月還照空
劉云竒曩
不復可道空中亂溲射左右洗青壁飛珠散輕霞流
沫沸窮石而我樂名山對之心益閑無論漱瓊液且
得洗塵顏且諧宿所好永願辭人間

遊太山

首五

四月上太山石屏御道開六龍過萬壑澗谷隨縈迴
馬跡遶碧峰于今蒲青苔飛流洒絕巘水急松聲哀
北眺崿嶂竒傾崖向東摧洞門閉石扇地低與雲雷
登高望蓬瀛想像金銀臺天門一長嘯萬里清風來
玉女四五人飄颻下九垓含笑引素手遺我流霞杯
稽首再拜之自愧非仙才曠然小宇宙棄世何悠哉

二

清曉騎白鹿直上天門山山際逢羽人方瞳好容顏
捫蘿欲就語却掩青雲關遺我鳥跡書飄然落巖間
其字乃上古讀之了不閑感此三歎息從師方未還

三

平明登日觀舉手開雲關精神四飛揚如出天地間
黃河從西來窈窕入遠山憑崖攬八極目盡長空閑
偶然值青童綠髮雙雲鬢咲我晚學仙蹉跎凋朱顏
躊躇忽不見浩蕩難追攀

四

清齋三千日裂素寫道經吟誦有所得衆神衛我形
雲行信長風颯若羽翼生攀崖上日觀伏檻窺東溟
海色動遠山天鷄已先鳴銀臺出倒景白浪翻長鯨
安得不死藥高飛向蓬瀛

日觀東北傾兩崖夾雙石海水落眼前天地搖空碧
千峰爭攢聚萬壑絕凌歷緬彼鶴上仙去無雲中跡
長松入雲漢遠望不盈尺山峯異人間五月雪中白
終當遇安期於此鍊玉液

陪族叔當塗宰遊化城寺升公清風亭

化城若化出金榜天宮開疑是海上雲飛空結樓臺
升公湖上秀粲然有辨才濟人不利已立俗無嫌猜
了見水中月青蓮出塵埃閑居清風亭左右清風來
當暑陰廣殿太陽為徘徊茗酌待幽客珍盤薦彤梅

飛雲何泗落萬象為之摧季父擁鳴琴德聲布雲雷
雖遊道林室亦舉陶潛杯清樂動諸天長松自吟哀
留歡君可盡劫石乃成灰

春陪商州裴使君遊石娥溪

時欲東遊遂有此贈

裴公有仙標拔俗數千丈澹蕩滄洲雲飄飄紫霞想
剖竹商洛間政成心已閑蕭條出世表冥冥閉玄關
我來屬芳節解榻時相悅褰帷對雲峰揚袂指松雪
暫出東城邊遂遊西巖前橫天聳翠壁噴壑鳴紅泉
尋幽殊未歇愛此春光發溪傍饒名花石上有好月
命駕歸去來露華生翠苔淹留惜將晚復聽清猿哀

清猿斷人腸遊子思故鄉明發首東路此歡焉可忘

登梅岡望金陵贈族姪高座寺僧中孚

鍾山抱金陵霸氣昔騰發天開帝王居海色照宮闕
群峰如逐鹿奔走相馳突江水九道來雲端遙明沒
時遷大運去龍虎勢休歇我來屬天清登覽窮楚越
吾宗挺禪伯特秀鸞鳳骨衆星羅青天明者獨有月
冥居順生理草木不剪伐烟窓引薔薇石壁老野蕨
吳風謝安屐白足傲履襪幾宿一下山蕭然忘干謁
談經演金偈降鶴舞海雪時聞天香來了與世事絕
佳遊不可得春風惜遠別賦詩留巖屏千載庶不滅

登金陵冶城西北謝安墩

此墩即晉太傅謝安與右軍王

羲之同登超然有高世之志余將營園其上故作是詩也

晉室昔橫潰永嘉遂南奔沙塵何茫茫龍虎鬪朝昏
胡馬風漢草天驕蹙中原哲匠感頽運雲鵬忽飛翻
組練照楚國旌旗連海門西秦百萬衆戈甲如雲屯
投鞭可填江一掃不足論皇運有返正醜虜無遺魂
談笑遏橫流蒼生望斯存冶城訪古跡尤有謝安墩
憑覽周地險高標絕人喧想像東山姿緬懷右軍言
梧桐識嘉樹蕙草留芳根白鷺映春洲青龍見朝暎
地古雲物在臺傾禾黍繁我來酌清波於此樹名園

功成拂衣去歸入武陵源

行役七首

宿五松山下荀媪家

我宿五松下寂寥無所歡
田家秋作苦鄰女夜春寒
跪進彫胡飯月光明素盤
令人慙漂母三謝不能餐

宿巫山

昨夜巫山下猿聲夢裏長
桃峯飛綠水三月下瞿塘
雨色風吹去南行拂楚王
高丘懷宋玉訪古一霑裳

上三峽

巫山夾青天巴水流若茲
巴水忽可盡青天無到時

三朝上黃牛三暮行大遲
三朝又三暮不覺髮成絲

江行寄遠

剗木出吳楚危檣百餘尺
疾風吹片帆日暮千里隔
別時酒猶在已為異鄉客
思君不可親愁見江水碧
之廣陵宿常二南崔北居

綠水接柴門有如菴菴源
忘憂或假草滿院蘿叢萱
暝色湖上來微雨飛南軒
故人宿茅宇夕鳥棲楊園
還惜詩酒別深為江海言
明朝廣陵道獨憶此傾樽

郢門秋懷

郢門一為客巴月三成絃
朔風正搖落行子愁歸旋

杳杳山外日茫茫江上天人迷洞庭水鴈度瀟湘煙
清曠諧宿好緇磷及此年百齡何蕩漾萬化相推遷
空謁蒼梧帝徒尋溟海仙已聞蓬海淺豈見三桃圓
倚劍增浩歎捫襟還自怜終當遊五湖濯足滄浪泉
自巴東舟行經瞿塘峽登巫山最高峰晚
還題壁

江行幾千里海月十五圓始經瞿塘峽遂步巫山巔
巫山高不窮巴國盡所歷日邊攀垂蘿霞外倚穹石
飛步凌絕頂極目無纖烟却顧失丹壑仰觀臨青天
青天若可捫銀漢去安在望雲知蒼梧記水辨瀛海

周遊孤光晚歷覽幽意多積雪照空谷悲風鳴森柯
歸途行欲曛佳趣尚未歇江寒早啼猿松暝已吐月
月色何悠悠清猿響啾啾辭山不忍聽揮策還孤舟
懷古四首

蘇武

蘇武在匈奴十年持漢節白鴈上林飛空持一書札
牧羊邊地苦落日歸心絕渴飲月窟水飢餐天上雪
東還沙塞遠北愴河梁別泣把李陵衣相看淚成血
經下邳圯橋懷張子房

子房未虎嘯破產不為家滄海得壯士推秦博浪沙

報韓雖不成天地皆振動潛匿遊下邳豈曰非智勇
我來圯橋上懷古欽英風唯見碧流水曾無黃石公
嘆息此人去蕭條徐泗空

望鸚鵡洲懷禰衡

魏帝營八極蟻觀一禰衡黃祖斗筭人殺之受惡名
吳江賦鸚鵡落筆超群英鏘鏘振金玉句句欲飛鳴
驚鷄啄孤鳳千春傷我情五岳起方寸隱然詎可平
才高竟何施寡識冒天刑至今芳洲上蘭蕙不忍生

商山四皓

白髮四老人昂藏南山側偃蹇松雲間冥翳不可識

雲窓拂青靄石壁橫翠色龍虎方戰爭於焉自休息
秦人失金鏡漢祖昇紫極陰虹濁太陽前星遂淪匿
一行佐明聖倏起生羽翼功成身不居舒卷在曾臆
宵冥合元化茫昧信難測飛聲塞天衢萬古仰遺跡

劉云首尾無俗意一似古題

雜興二十四首

春思

燕草如碧絲秦桑低綠枝當君懷歸日是妾斷腸時
春風不相識何事入羅幃

劉云平易近情自有天趣蕭云燕草如絲興征夫懷歸秦桑低枝興思婦斷腸末意貞潔非外物所能動此詩可謂得國風不淫不誹之體矣

寓言

長安春色歸先入青門道綠楊不自持從風欲傾倒
海燕還秦宮雙飛入簾櫳相思不相見托夢遼城東
待酒不至

玉壺繫青絲沽酒來何遲山峯向我咲正好銜杯時
晚酌東山下流鶯復在茲春風與醉客今日乃相宜
望月有懷

清泉映踈松不知幾千古寒月搖清波流光入窓戶
對此空長吟思君意何深無因見安道興盡愁人心
落日憶山中

雨後煙景綠晴天散餘霞東風隨春歸發我枝上老
花落時欲暮見此令人嗟願遊名山去學道飛丹砂

對酒憶賀監

往客歸四明山陰道士迎敕賜鏡湖水為君臺沼榮
人亡餘故宅空有荷卷生念此杳如夢淒然傷我情

感興

瑤姬天帝女精彩化朝雲宛轉入宵夢無心向楚君
錦衾抱秋月綺席空蘭芬茫昧竟誰測虛傳宋玉文

二

十五遊神仙仙遊未曾歇吹笙吟松風汎席窺海月

西山玉童子使我煉金骨欲逐黃鶴飛相呼向蓬闕

蕭云此篇喻賢者相招以求祿仕者

三

西國有美女結樓青雲端蛾眉艷曉月一咲傾城歡

高節不可奪烟心如凝丹常恐彩色晚不為人所觀

安得配君子共乘双飛鸞蕭云此篇喻賢者不輕去就復恐老之將至於時無

聞思見君子事之以共祿位也

四

洛浦有宓妃飄飄雪争飛輕雲拂素月了可見清輝

解佩欲西去含情詎相違香塵動羅襪綠水不沾衣

陳王徒作賦神女豈同歸好色傷大雅多為世所譏

廬山東林寺夜懷

我尋青蓮宇獨往謝城闕霜清東林鍾水白虎溪月

天香生虛空天樂鳴不歇宴坐寂不動大千入毫髮

湛然冥真心曠劫斷出沒

春日獨酌二首

東風扇淑氣水木榮春暉白日照綠草落花散且飛

孤雲還空山衆鳥各已歸彼物皆有托吾生獨無依

對此石上月長醉歌芳菲

我有紫霞想緬懷滄洲間思對一壺酒澹然萬事閑

橫琴倚高松把酒望遠山長空去鳥沒落日孤雲還
但恐光景晚宿昔成秋顏

獨酌

春草如有意羅生玉堂陰東風吹愁來白髮坐相侵
獨酌勸孤影開歌面芳林長松爾何知蕭瑟為誰吟
手舞石上月膝橫老間琴過此一壺外悠悠非我心

春日醉起言志

處世若大夢胡為勞其生所以終日醉頽然卧前楹
覺來眊庭前一鳥老間鳴借問此何時春風語流鶯
感之欲嘆息對酒還自傾浩歌待明月曲盡已忘清

劉云瀟灑酣暢欲勝淵明者以其尤易也詩皆如此何以沈著為哉○范云諸五言皆有晉宋間風而此更超然

月下獨酌四首

花間一壺酒獨酌無相親舉杯邀明月對影成三人
劉云古月既不解飲影徒隨我身暫伴月將影行樂
無此奇須及春我歌月徘徊我舞影凌亂醒時同交歡醉後
各分散永結無情遊相期邈雲漢劉云凡情俗態終以此安得不為改
觀

二

天若不愛酒酒星不在天地若不愛酒地應無酒泉

天地既愛酒愛酒不愧天已聞清比聖復道濁如賢
聖賢既已飲何必求神仙三杯通大道一斗合自然
但得酒中趣勿為醒者傳劉云纏綿散朗漸入真趣言語之悟人如此

三

三月咸陽城十花畫如錦誰能春獨愁對此徑須飲
窮通與脩短造化夙所稟一樽齊死生萬事固難審
醉後失天地兀然就孤枕不知有吾身此樂最為甚

四

窮愁千萬端美酒三百盃愁多酒雖少酒傾愁不來
所以知酒聖酒酣心自開辭粟卧首陽屢空飢顏回
當代不樂飲虛名安用哉蟹螯即金液糟丘是蓬萊
且須飲美酒乘月醉高臺

日夕山中忽然有懷

夕卧青山雲遂為青山客山深雲更好賞弄終日夕
月銜樓間峰泉漱階下石素心自此得真趣非外惜
鼯啼桂方秋風滅籟歸寂緬思洪崖術欲往滄海隔
雲車來何遲撫已空嘆息

尋陽紫極宮感秋作

何處聞秋聲脩脩北窓竹迴薄萬古心攬之不盈掬
靜坐觀衆妙浩然媚幽獨白雲南山來就我簷下宿

嬾從唐生決羞訪季主卜四十九年非一往不可復
野情轉蕭散世道有翻覆陶令歸去來田家酒應熟

劉云其自然不可及矣東坡和此有餘終涉擬議

秋夕書懷一作秋日南遊書懷

北風吹海鷹南渡落寒聲感此瀟湘客淒其流浪情
海懷結滄洲霞想遊赤城始探蓬壺事旋覺天地輕
澹然吟高秋閉卧瞻太清蘿月掩空幕松霜結前楹
滅見息群動獵微窮至精
梅花有源水可以保吾生

蕭云此詩太白謫逐之時作乃能以仙遊自解可謂素患難而善處者矣

與元丹丘方城寺談玄作

茫茫大夢中惟我獨先覺騰轉風火來假合作容貌
滅除昏疑盡領略入精要澄慮觀此身因得通寐照
朗悟前後際始知金仙妙幸逢禪居人酌玉坐相召
彼我俱若喪雲山豈殊調清風生虛空明月見談咲
怡然青蓮宮永頌恣遊眺

冬夜醉宿龍門覺起言志

醉來脫寶劍旅憇高堂眠中夜忽驚覺起立明燈前
開軒聊直望曉雪河冰吐哀哀歌苦寒鬱鬱獨惆悵
傳說版築臣李斯鷹犬人歛起宦社稷寧復長艱辛
而我胡為者嘆息龍門下富貴未可期殷憂向誰寫

去去淚滿襟舉聲梁甫吟青
苗自致何必求知音

雜詠四首

聽蜀僧濬彈琴

蜀僧抱綠綺西下蛾眉峰為我一
揮手如聽萬壑松

客心洗流水餘響入霜鍾不覺碧山暮
秋雲暗幾重

金陵聽韓侍御吹笛

韓公吹玉笛個儻流英音風吹統鍾山
萬壑皆龍吟

王子停鳳管師襄掩瑤琴餘韻度江去
天涯安可尋

詠鄰女東牕海石榴

魯女東牕下海榴世所希珊瑚映綠水
未足比光輝

清香隨風發落日好鳥歸願為東南枝
低舉拂羅衣
無由共攀折引領望金扉

贈黃山胡公求白鷗并序

聞黃山胡公有雙白鷗蓋是家鷄所伏
自小馴狎

了無驚猜以其名呼之皆就掌取食然
此鳥耿介

尤難畜之余平生酷好竟莫能致而胡
公輟贈於

我唯求一詩聞之欣然適會宿意因援
筆三叫文

不加點以贈之

請以雙白壁買君雙白鷗白鷗白如錦
白雪耻容顏

照影玉潭裏刷毛琪樹間夜棲寒月靜
朝步落花閑

我願得此鳥翫之坐碧山胡公能輟贈龍寄野人還
西清詩話云李太白詩逸態凌雲映照千載然時作齊梁間人體段畧不近渾厚

五言古詩卷之六

唐詩品彙六

五言古詩卷之七

唐詩品彙七

新寧高棟編

大家一

杜甫上

唐史本傳云唐興詩人承陳隋風流浮靡相矜至沈宋等研揣律詩競相沿襲逮開元間稍裁雅正然而人得一槩皆自名所長甫乃渾涵汪洋千彙萬狀兼古今而有之又善陳時事律切精深至千言不少衰世號詩史○太原王琪云子美博聞稽古其用事非老儒博士罕知其自出又曰子美詩詞有近質者所謂轉石於千仞之山勢也學者尤効之其過甚○王介甫後集序云子考古之詩尤愛杜甫氏作者其詞所從出→莫知窮極而病未能學之者篇出自然人知非人之所能鳴而為之者

惟其甫也。輒能辨之。世之學者。至乎甫而後。為詩不能。至要之。不知詩焉。爾嗚呼。詩其難。唯甫哉。○黃山谷大雅堂記云。子美詩妙處。乃在於無意。為文而意已。獨至非廣之。以國風雅頌。深之。以離騷九歌。安能咀爵其意味。闖然入其門。邪。彼所與於所遇。林泉人物。草木魚虫。以為物物。皆有地矣。○蔡夢弼云。少陵先生博極群書。馳騁古今。周行萬里。觀覽詭譎。發為歌詩。奮乎國風。雅頌不作。之後。比興相侔。哀樂交貫。揄揚敘述。妙達乎真。機美刺箴。規皆具乎衆體。自唐迄今。為詩學之宗師。家傳而人誦之。○秦少游云。蘇武李陵。長於高妙。曹植劉公幹。長於豪逸。陶潛阮籍。長於澹謝靈運。鮑照。長於俊潔。徐陵庾信。長於藻麗。若子美者。窮高妙之格。極豪逸之氣。包冲澹之趣。兼俊潔之姿。備藻麗之態。而諸家之所不及也。○嚴滄浪云。少陵詩憲章漢魏。而取材於六朝。至其自得之妙。則

先輩所謂集大成者也。又曰。少陵詩如節制之師。○劉須溪云。古今窮詩人。稱子美。郊岳郊岳。以命而子美。以其時或曰。時與命不同。耶。曰。不同。使郊岳生開元。天寶間。計亦豈能鳴國家之盛。而寒酸寂寞。願尤。天以老則繇其賦。分言之。亦不為不幸也。若子美。在開元。則及見麗人友八仙。在乾元。則扈從還京。歸鞭左掖。其間惟陷。數月。後來流落田園。巷柳亦與杜曲無異。若石壕新安之。曙記彭綺栝栢之。崎嶇則意者。造物托之子美。以此人間之不免。而又有數劫。不然。生開元。天寶間。有是作否。故曰。時也。非命也。○蜀郡虞集云。杜公之詩。冲遠渾厚。上薄風雅。下凌沈宋。每篇之中。有句法。章法。截乎不可紊。至於以正為變。以變為正。精妙用無方。如行雲流水。初無定質。出於精微。奪乎天造。是大難以形器求矣。公之忠憤。激切愛君憂國之心。一繫於詩。故常因是而為之。說曰。三百篇經也。杜

詩史也詩史之名指事實耳不與經對言也然風雅絕響之後唯杜公得之則史而能經也學工部則無往而不在矣

樂府二十一首

前出塞 乾元間公在秦州天寶時事而作

戚戚去故里悠悠赴交河公家有程期亡命嬰禍羅君已富土境開邊一何多弃絕父母恩吞聲行負戈

○出門日已遠不受徒旅欺劉云如親歷其苦極征

自道詩必如此序情憫勞之際其庶幾乎骨肉恩豈斷男兒死無時走馬

脫轡頭手中掩青絲捷下萬仞岡俯身試塞旗劉云賦至

此極可壯可傷○磨刀鳴咽水水赤刀傷手欲輕斷腸殺心

緒亂已夕劉云又緩而怨丈夫誓許國憤惋復何有功名圖

麒麟戰骨當速朽

二

送徒既有長遠戍亦有身生死向前去不勞吏怒嗔路逢相識人附書與六親哀哉兩决絕不復同苦辛

三

迢迢萬餘里領我赴三軍軍中異善樂主將寧盡聞

劉云眼前語意中事通透自別亦極哀怨之体所以可傳隔河見胡騎倏忽數百

群我始為奴僕幾時樹功勳

四

挽弓當挽強用箭當用長射人先射馬擒賊先擒王
殺人亦有限立國自有疆苟能制侵凌豈在多殺傷
劉云此其自負經濟者軍中常有此人

五

驅馬天雨雪軍行入高山徑危抱寒石指落層冰間
已去漢月遠何時築城還浮雲暮南征可望不可攀

劉云作者緩急自合

六

單于寇我壘百里風塵昏雄劍四五動彼軍為我奔
虜其名王歸繫頸授轅門潛身備行列一勝何足論

劉云千載不死墮淚未乾

七

從軍十年餘能無分寸功眾人貴苟得欲語羞雷同
○劉云乃併與軍中妬忌者之意得之必不可少者中原有鬪爭况在狄與戎
丈夫四方志安可辭固窮

後出塞

范德機云前後出塞皆傑作有古樂府之聲而理勝

男兒生世間及壯當封侯戰伐有功業安能守舊丘
召募負剗門軍動不可留千金買馬鞍百金裝刀頭
閭里送我行親戚擁道周班白居易上列酒酣進庶羞
少年別有贈含咲看吳鉤

二

朝進東門營暮上河陽橋落日照大旗馬鳴風蕭蕭

劉云復欲一語似此始千古不可得平沙列萬幕部伍各見招中天懸

明月令嚴夜寂寥悲笳數聲動壯士慘不驕借問大

將誰恐是霍嫖姚劉云此詩之妙同以招魂復起

三

古人重守邊今人重高勳劉云此義亦人所未及也豈知英雄主

出師亘長雲六合已一家四夷且孤軍遂使貔虎士

奮身勇所聞拔劍擊大荒日收胡馬群誓開玄冥北

持以奉吾君

四

獻凱日繼踵兩藩靜無虞漁陽豪俠地擊鼓吹笙竽

雲帆轉遼海粳稻來東吳越羅與楚練照耀輿臺軀

主將位益崇氣驕凌上都邊人不敢議議者死路衢

五

我本良家子出師亦多門將驕益愁思身貴不足論

躍馬二十年恐辜明主恩坐見幽州騎長驅河洛昏

中夜間道歸故里但空村惡名幸脫免窮老無兒孫

東坡志林云味此詩蓋稜山反時其將故有脫身歸國者而賊殺其妻子不知其姓名為可恨也○

劉云寫至退軍人則無餘矣

夏日嘆

夏日出東比陵天經中街朱光徹厚地鬱蒸何由開
上蒼久無雷無乃號令乖雨降不濡物良田起黃埃
飛鳥苦熱死池魚涸其涯萬人尚流冗舉目唯蒿萊
至今大河北盡作虎與豺浩蕩想幽薊王師安在哉
對食不能飡我心殊未諧眇然貞觀初難與數子偕

夏夜嘆

永日不可暮炎蒸毒我腸安得萬里風飄颻吹我裳
昊天出明月茂林延踈光仲夏苦夜短開軒納微涼
虛明見纖毫羽虫亦飛揚物情無巨細自適固其常

念彼荷戈士窮年守邊疆何由一洗濯熱熱互相望
竟夕擊刀斗喧聲連萬方青紫雖被體不知早還鄉
北城悲笳發鶴鶴號且翔况復煩促倦激烈思時康

潼關吏

士卒何草草築城潼關道大城鉄不如小城萬丈餘
借問潼關吏脩關還備胡要我下馬行為我指山隅
連雲列戰格飛鳥不能踰胡來但自守豈復憂西都
丈人視要處窄狹容單車艱難奮長戟千古用一夫
哀哉桃林戰百萬化為魚請囑防關將慎勿學哥舒

王深父云此詩蓋刺非其人則舉關以弃之得其人雖舊險亦足恃孟子所謂地利不如人和也

新安吏

公自注云收京後作雖收兩京賊

家別蓋紀當時九節度叛師之敗朝廷調諸郡兵益急矣

客行新安道喧呼聞點兵借問新安吏縣小更無丁
府帖昨夜下次選中男行中男絕短小何以守王城
肥男有母送瘦男獨伶俜白水暮東流青山猶哭聲
莫自使眼枯收汝淚縱橫眼枯却見骨天地終無情
我軍收相州日夕望其平豈意賊難料歸軍星散營
就粮近故壘練卒依舊京掘壕不到水牧馬役亦輕
况乃王師順撫養甚分明送行勿泣血僕射如父兄

王深父云此篇哀出兵之役夫古者遣將有推轂分閫之命今弃師於死地虐至於無告如詩之所

感其君臣豈不可刺哉然子儀猶寬度得衆故卒美焉○范云天地無情而僕射如父兄當時人心可知朝廷之大體可悲矣

石壕吏

暮投石壕村有吏夜捉人老翁踰墻走老婦出門看
吏呼一何怒婦啼一何苦聽婦前致詞三男鄴城戍
一男附書至二男新戰死存者且偷生死者長已矣
室中更無人唯有乳下孫孫有母未去出入無完裙
老嫗力雖衰請從吏夜歸急應河陽役猶得備晨炊
夜久語聲絕如聞泣幽咽天明登前途獨與老翁別

王深父云驅民之丁壯盡置死地而猶急其老弱雖秦為閭左之戍不甚也嗚呼其時急矣哉

新婚別

兔絲附蓬麻引蔓故不長嫁女與征夫不如弃路傍
結髮為妻子席不暖君床暮婚晨告别無乃太匆忙
君行雖不遠守邊赴河陽妾身未分明何以拜姑嫜
父母養我時日夜令我藏生女有所歸鷄狗亦得將
君今往死地沉痛迫中腸誓欲隨君去形勢反蒼黃
勿為新婚念努力事戎行婦人在軍中兵氣恐不揚
范云顛沛流離之際猶有若是婦人自嗟貧家女久
為人臣而不知春秋之義者何心哉

致羅襦裳羅襦不復施對君洗紅粧仰視百鳥飛大
小必雙翔人事多錯迕與君永相望劉云曲折詳至
縷縷凡七轉微

顯條達○玉深父云先王之政有新婚者其不役
政出於刑名則一切便事而已此詩所然盡其常
分而能不忘義
理余是以錄之

垂老別

四郊未寧靜垂老不得安子孫陣亡盡焉用身獨完
投杖出門去同行為辛酸幸有牙齒存所悲骨髓乾
男兒既介冑長揖別上官老妻卧路啼歲暮衣裳單
孰知是死別且復傷其寒此去必不歸還聞勸加殮
土門壁甚堅杏園度亦難勢異鄴城下縱死時猶寬
人生有離合豈擇衰盛端憶昔少壯日遲迴竟長嘆
萬國盡征戍烽火被岡巒積屍草木腥流血川原丹

何鄉為樂土安敢尚盤桓弃絕蓬室居塌然摧肺肝

王深父云軍興之際至於老者亦介胄則有甚於間左之戍矣

無家別

寂寞天寶後園廬但蒿藜我里百餘家世路各東西

存者無消息死者為塵泥賤子因陳敗歸來尋舊蹊

久行見空巷一作室日瘦氣慘悽劉云經歷多矣無如此語之在目前者

但對狐與狸豎毛怒我啼四隣何所有一二老寡妻

宿鳥戀本枝安辭且窮棲方春獨荷鋤日暮還灌畦

縣吏知我至召令習鼓鞞雖從本州役內顧無所携

近行止一身遠去終轉迷家鄉既盪盡遠近理亦齊

劉云寫至此亦無復餘恨此其所以泣鬼神者永痛長病母五年委溝溪生

我不得力終身兩酸嘶人生無家別何以為丞黎王深

父云先王子惠困窮苟推其所不忍達之於其所忍則天下無敗亂之兆矣噫此詩何為而作乎

留卷門黃鶴云時用吐蕃回紇諸兵收長安葉護奏以軍中馬少請留其兵

於沙苑白歸取馬還為掃除范陽餘孽卷門山名指迴紇也公逆知其害故作此

北門天驕子飽肉氣勇決高秋馬肥健扶矢射漢月

自古以為患詩人厭薄代脩德使其來羈縻固不絕

胡為傾國至出入暗金闕中原有驅除隱忍用此物

公主歌黃鵠君王指白日范云此中國何如時也讀此者可以鑒春秋書會戎

盟戎之義矣謂子美詩為詩史可不信哉連雲屯左輔百里見積雪長戟

鳥休飛哀笳曉幽咽田家最恐懼麥倒桑柘折沙苑
臨清渭泉香草豐潔渡河不用船千騎常撒烈胡塵
踰太行雜種抵京室花門既須留原野轉蕭瑟

紀行二十一首乾元二年冬自秦州如成都紀行所作也

崔德符曰昔韓子蒼嘗論此詩筆力變化當與太史公諸贊方駕學者宜常諷誦之
○朱子語錄云杜詩初年甚精細晚年曠逸不可當如自秦州入蜀諸詩分明如畫
乃其少時作也

發秦州

我衰更懶拙生意不自謀無食問樂土無衣思南州
漢源十月交天氣涼如秋草木未黃落况聞山水幽

栗亭名更佳下有良田疇克腸多薯蕷崖密亦易求
密竹復冬笋清池可方舟雖傷旅寓遠庶遂平生遊
此邦俯要衝實恐人事稠應接非本性登臨未銷憂
溪谷無異石塞田始微收豈復慰老夫惘然難久留
日色隱孤戍鳥啼滿城頭中宵驅車去飲馬寒塘流
磊落星月高蒼茫雲霧浮大哉乾坤內吾道長悠悠

赤谷赤谷有亭當是秦州近境

天寒霜雪繁遊子有所之豈但歲月暮重来未有期
晨發赤谷亭險艱方自茲亂石無改轍我車已載脂
山深苦多風落日童稚飢悄然村墟迥煙火何由追

貧病轉零落故鄉不可思常恐死道路永為高人嗤

鐵堂峽

山風吹遊子縹渺乘險絕峽形巖堂隍壁色立積鐵
徑摩穹蒼蟠石與厚地裂修纖無限竹嵌空太始雪
威遲哀擊底徒旅慘不悅水寒長冰橫我馬骨正折
生涯抵孤失盜賊殊未滅飄蓬踰三年迴首肺肝熱

寒峽

行邁日悄悄山谷勢多端雲門轉絕岸積阻霾天寒
寒峽不可度我實衣裳單况當仲冬交沂泐增波瀾
野人尋煙語行子傍水飡此生免荷父未敢辭路難

劉云然傷忠厚
得詩人之正

法境寺

身危適他州勉強終勞苦神傷山行深愁破崖寺古
婣娟碧蘚淨蕭槭寒籜聚田田山根水冉冉松上雨
洩雲蒙清晨初日翳復吐朱薨半光烟戶牖粲可數
拄策忘前期出蘿已亭午冥冥子規叫微徑不復取

青陽峽

塞外苦厭山南行道彌惡岡巒相經亘雲水氣參錯
林迴峽角來天窄壁面削溪西五里石奮怒向我落
仰看日車側俯恐坤軸弱魑魅嘯有風霜霰浩漠漠

昨憶踰隴阪高秋視吳岳東笑連卷卑比知崆峒薄
超然侔壯觀已謂殷音隱寥廓突兀猶趁人謂前險已
然相隨及茲嘆冥寞來也

石龕

熊羆咆我東虎豹號我西我後鬼長嘯我前狻又啼
天寒昏無日山遠道路迷驅車石龕下仲冬見虹蜺
伐竹者誰子悲歌上雲梯為官采美箭五歲供梁齊
苦云直幹盡無以克提携奈何漁陽騎颯颯驚丞黎

積草嶺同谷界

連峯積長陰白日遮隱見颯颯林響交慘慘石狀變

山分積草嶺路異明水縣旅泊吾道窮衰年歲時倦
卜居尚百里休駕投諸彥邑有佳主人情如已會面
來書語絕妙遠客驚深眷食蕨不顧餘茅茨眼中見

劉云相去尚百里想像如見願休焉息焉之志也

鳳凰臺

成州有鳳凰山即秦弄玉蕭史吹蕭之地

亭亭鳳凰臺北對西康州西伯今寂寞鳳凰亦悠悠
山峻路絕蹤石林氣高浮安得萬丈梯為君上上頭
恐有無母雛饑寒日啾啾我能剖心血飲啄慰孤愁
心以當竹實炯然忘外求血以當醴泉豈徒比清流
所重王者瑞敢辭微命休坐看綵翮長舉意八極周

自天啣瑞圖飛下十二樓圖以奉至尊鳳以垂鴻猷
再光中興業一洗蒼生憂深衷正為此群盜何淹留

劉云懇至不厭

萬丈潭蔡夢弼云同谷縣有鳳凰潭一名萬丈潭

青溪合冥冥神物有顯晦劉云便合改視龍依積水蟠窟壓

萬丈內跼步凌垠堦側身下煙靄前臨洪濤寬却立

蒼石大山危一徑盡岸絕兩壁對削成根虛無倒影

垂澹瀨徒對切黑知灣潭底清見光炯碎孤雲倒來深

飛鳥不在外高羅成帷幄寒木疊旌旆遠川曲通流

嵌竇潛洩瀨造幽無人境發興自我輩告歸遺恨多

將老斯游最閉藏修鱗蟄出入巨石礙劉云造意語何事

炎天過快意風雲會

發同谷縣乾元二年十二月自隴西赴劍南

賢有不黔突聖有不暖席况我下愚人焉能尚安宅

始來茲山中休駕喜地僻奈何迫物累一歲四行役

忡忡去絕境杳杳更遠適停驂龍潭雲迴首虎崖石

臨岐別數子握手淚再滴交情無舊深窮老多慘慙

平生嬾拙意偶值栖遁跡去住與願違仰慙林間翮

木皮嶺

首路粟亭西尚想鳳凰村季冬携童稚辛苦赴蜀門

南登木皮嶺艱險不易論汗流被我體祈寒為之暄
遠岫爭輔佐千岩自崩奔始知五岳外別有他山尊
仰干塞大明俯入裂厚坤再聞虎豹聞屢踞風水昏
高有廢閣道摧折如短轅下有冬青林石上走長根
西崖特秀發煥若靈芝繁潤聚金碧烝清無沙土痕
憶觀昆侖圖目擊玄圃存對此欲何適默傷垂老寬

白沙渡

畏途隨長江渡口下絕岸差池上舟楫杳窅入雲漢
天寒荒野外日暮中流半我馬向北嘶山猿飲相喚
水清石礧礧沙白灘漫漫迥然洗愁辛多病亦踈散

高壁抵嶽峯洪濤越凌亂臨風獨回首攬轡復三嘆

水會渡

山行有常程中夜尚未安微月沒已久崖側路何難
大江動我前洶若溟渤寬篙師暗理楫歌笑輕波瀾
霜濃木石滑風急手足寒入舟已千憂陟嶽仍萬盤
回眺積水外始知衆星乾劉云窮而不澁遠遊令人瘦衰疾
漸加飡

飛仙閣

華陽國志諸葛亮鑿石架空為飛梁問道

土門山行窄微徑緣秋豪棧雲闌于峻梯石結構牢
萬壑歌踈林積陰帶奔濤寒日外澹泊長風中怒號

歇鞍在地底始覺所歷高往來雜坐卧人馬同疲勞
浮生有定分飢飽豈可逃嘆息為妻子我何隨汝曹

五盤

謂棧道盤屈有五重

五盤雖云險山色佳有餘仰凌棧道細俯映江木踈
地僻無網罟水清反多魚好鳥不妄飛野人半巢居
喜見淳朴俗垣然心神舒東郊尚格鬪巨猾何時除
故鄉有弟妹流落隨丘墟成都萬事好豈若歸吾廬

石櫃閣

季冬日已長山晚半天赤蜀道多草花江間饒奇石
石櫃層波上臨虛蕩高壁清暉迴群鷗暝色帶遠客

唐子西語錄云江間饒奇石未為極勝到暝色帶遠客則不可及也羈栖負幽意感嘆
向絕跡信甘孱孺嬰不獨凍餒迫優游謝康樂放浪
陶彭澤吾衰未自由謝尔性有適

桔栢渡

桔居屑切

青冥寒江渡駕竹為長橋竿濕烟漠漠江水風蕭蕭
連竿動嫋娜征衣颯飄颯急流鵠鷁散絕岸電電驕
西轅自茲異東逝余可要高通荆門路闊會滄海潮
孤光隱願盼遊子恨寂寥無以洗心曾前登山椒

劍閣

地理志劍州劍門縣有梁山亦名大劍山自蜀出漢中道一由此故以名

唯天有設險劍閣天下壯連山抱西南石角皆北向

兩崖崇墉倚刻畫城郭狀一夫怒臨關百萬未可傍
珠玉走中原岷峨氣悽愴三皇五帝前鷄犬莫相放
後王尚柔遠職貢道已喪至今英雄人高視見霸王
并吞與割據極力不相讓吾將罪直宰意欲鐘壘嶂
恐此復偶然臨風默惆悵劉云嘆地險而惡負困者又云散文有所不能及也

鹿頭山

唐志漢州德陽縣有鹿頭山高崇文擒劉闢處又有鹿頭關

鹿頭何亭亭是日慰飢渴連山西南斷俯見千里豁
遊子出京華劍門不可越及茲險阻盡始喜原野闊
殊方昔三分霸氣曾聞發天下今一家雲端失雙闕
悠然想揚馬繼起名碑兀有文令人傷何處理尔骨
紆餘脂膏地慘澹豪俠窟仗鉞非老臣宣風豈專達
冀公僕射冀國公裴冕時為劍南節度使柱石姿論道邦國活斯人亦
何幸公鎮踰歲月

成都府

翳翳桑榆日照我征衣裳劉云有何深意到處自然我行山川異

忽在天一方但逢新人民未卜見故鄉大江東流去

遊子去日長層城填華屋季冬樹木蒼喧然名都會

吹蕭間笙簧信美無與適側身望川梁鳥雀夜各歸

中原杳茫茫劉云憤然悲感天性切至讀之默然初月出不高衆星尚

爭光劉云語次寫景法者屑屑附會可厭自古有羈旅我何苦哀傷

五言古詩卷之七

唐詩品彙七

五言古詩卷之七

唐詩品彙七

